

der gnante herre Johannes syne nochkomenden bischoue adder dy kirche zcu Miessen nu furbas mehri zcu ewigin zciitin innehaben innemen nützen vnde genyssen besetzen vnde entsetzen vnde domitte thun vnde lossen also mit andern der kirchen gutirn ane irrunge hindernis vnde intrag myn myner elichin wirtynnen vnsir beidir erbin vnde erbnemen vnde allermanneglich von mynen vnde irenwegin öngeverde, vmbe vnde vor sechezig schog gutir schildechter groschen, der eynvndczwenzig eynen Rynischen gulden gelden, der ich von em ganz vnde gar bezalt vnde entricht bin, vnde sage ön syne nochkomenden bischoue vnde dy kirche zcu Miessen sochir summe vor mich myne erbin vnde erbnemen qwid ledig vnde loß, vnde habe des myne armen luthes, dy das gnante wüste dorff gnant Lodwigistorff besetzen inne haben vnde halden, solchir erbholdunge globde vnde eyde, der sy mir verbunden gewest sien vnde gethan haben, muntlich ledig gesaget vnde sy ouch an den gnanten herren Johannes bischoff vnde dy kirche zcu Miessen gewysset vnde weyse sy ouch an ön inraft disses briefis, also das sy dem gnanten herren vnde der kirchen zcu Miessen globin holden vnde sweren sullen getruwe gewer vnde gehorsam zcu syne zcu ewygen zeyten. Ich obingnanter Hincke Bircke were ouch vor mich Barbaran myne eliche wirtynne vnsir beydir erbin vnde erbnemen des vilgnanten dorffs wusten Lodwigistorff mit synen nutzen genyssen zeugehorungin vnde grenitzen als obinbegriffen ist vor fryes luters ledigis umbekommerts eigin noch kirchen rechte, als denne kirchen rechtis vnde eigen ynn landen recht fry vnde gewonheit ist sien sal adder mag, vnde setze den obingnanten herrn vnde dy kirche zcu Miessen yn derselbtin eigen vnde rechtis rechte besetzung vnde eigenthum, so togelich frye vnde krefftiglich ich das ynne gehabt habe vnde furdir zcu geistlichir acht fryheit gethun bistellen gegebin vnde geeigynn kan sal adder mag, vnde gebe on das vff mit munde hande vnde halme noch rechte vnde gewonheit, als denne eyn iglichir rechtir vnde vertiger kouff vnde eigenthum craft vnde macht haben sal vnde mag. Ich globe ouch vor mich myne erbin vnde erbnemen ane arg intrag vnde alles geuerde dissen kaufbrief mit allen vnde iglichen synen puncten vnde artikeln ganz vnde vnuorbrochlichen zcuhalten. Des zcu mehri sichirheit vnde worem bekentniß habe ich myn insigil an dissen brief mit willen vnde wissen myn myner wirtynnen obingerurt vnde vnsir beidir erbin hengen lossen, der gegebin ist noch Crists gebort tusent virhundirt ym vrvnddrisigisten iaren an allerhiligen obende. Hyby sind gewest myne manne vnde libin getruwen Jancke Knobloch dy zeyt myn hauptman zcum Hoensteyn, Cristoffil von Lotticz zcu Schergiswalde vnde Hans von Hermstorff zcu Bertilstorff gesessen mit andern mynen mannen vnde guten luten den wol ist zcu glouben. —

Nach dem Orig. im K. Haupt-Staatsarchiv zu Dresden mit dem wohlerhaltenen Siegel an einem Pergamentstreifen.